

大中祥符法寶錄

卷十六

卷十七

卷十八

四

大中祥符法寶錄卷第十六

百

譯經閣文推諱錄傳寶錄卷第十六大中祥符元年十一月

翰林學士通奉大夫知書院事知開封府國子監事在開封府國子監供食色至寶錄卷第十六傳寶錄卷第十六

勅編修

別明 聖代翻宣錄中之十五

藏乘區別年代指明二之十四

三年十一月譯成經集六卷

秘密三昧大教王經一部四卷

大乘經藏秘密部收摠有三

會佛在三十三天雜飾柔輦

地帝釋宮殿大樓閣中說第
一卷明釋迦如來住曼拏羅
林時金剛手大祕密主普徧觀
三千大千世界諸衆會已左手金剛拳結
蓮華高舉印右手戲擲妙金剛杵
隱顯安自心間作勇進勢說諸如
來大乘現證大三昧邪祕密
心明又金剛手白諸如來我
此大明能破諸惡若有衆生
於佛教中生恨戾者皆能調

伏而後不令起諸過惡第二
卷明妙吉祥菩薩白金剛手
我今於汝大儀軌中亦說字
輪秘密章句能令行人息煩
惱苦得妙快樂又諸菩薩各
說法門本部大明成就儀軌
等第三卷明聖觀自在菩薩
白金剛手我今於汝大儀軌
中亦當授與三摩地法若能

觀想此三摩地即能獲得一切如來大自在法於三界中爲大法王等第四卷明金剛手菩薩宣說妙樂金剛祕密大曼拏羅內外相分曼拏羅中安本尊像金剛薩埵或雕或鑄或畫或塑及說召請灌頂印相成就儀軌祕密法已一切如來咸共讚歎此乃成佛之祕門趣真之妙行也

上一部中天竺梵本所出

灌頂王喻經一部一卷

小乘經藏收佛在舍衛國說
此中所明佛謂苾芻言若有
苾芻發正信心出家剃髮被
袈裟衣修苾芻事乃至盡壽
常所思念又有苾芻修諸勝
行爲證滅故斷諸集法遠塵
離垢得法眼淨又有苾芻諸

法寶錄第十六

第三張

百字號

漏已盡心善解脫慧善解脫
自不知所證已得成就我生已
盡梵行已立所作已辦不受
後有如是三種當知猶如刹
帝利王於三時中各依次第
受王灌頂隨生勝福

上一部本中天竺語龜

茲國書

龍樹菩薩廣大發願文一部一

卷

西方聖賢集收

右經集三藏沙門施護譯
法護惟淨同譯沙門清沼
澄珠文一筆受沙門啓沖
希晝綴文沙門仁徹道一
紹溥修靜重珣瓊玉文祕
慧測證義工部侍郎叅知
政事趙安仁潤文入內內
侍高品羅自賓監譯是月
二十六日監使引三藏等詣
崇政殿捧所譯經集具表

上進其詞曰臣施護等言

法華經第十六

第四張

百字

臣等今譯就祕密三昧大
教王經一部四卷灌頂王
喻經一部一卷龍樹菩薩
廣大發願文一部一卷昔
如來處于道場秉斯慧炬
切利天上會八部之聖流
帝釋宮中現十方之刹土
金剛妙慧廣施於遊戲神

通寶印靈章大顯於莊嚴
佛事而又發深重願運廣
大心煥乎顯密之宗大矣
人天之利伏惟

崇文廣武儀天尊道寶應
章感聖明仁孝皇帝陛下
二儀合德

四智爲心仁化侔於妙嚴

淨行齊於梵輔

運膺賢劫啓嘉會於龍華

果滿僧祇契深因於鷲嶺
臣等謬專梵譯久玷

國恩幸逢

石紐之開祥獲演

金僊之了義庶臻介杜

永奉

昌期前件新譯經集謹繕寫

上進以

聞是日

命坐賜茶

親加撫慰錫賜如例

詔以經集入藏頒行

賜施護弟子志恭道實紫

衣并度本院童行十有一

人爲僧是年十月中天竺

沙門覺稱來朝作讚

聖德頌以獻三司使給事

中丁謂傳

詔旨俾譯經沙門惟淨翻

譯以進其頌云歸命

大覺釋師子如其所說甘
露言今於三寶大衆中願
聽略讚王功德世間王中
我王勝最上自在無等倫
第一佛子極尊高文殊種
族中出現如來悲愍諸情
品布大法雲震法音王心
悲愍利世間其猶法雲法

音等如來所說正法藏勝
甘露味悉周圓於中如理
略敷宣願王慈愍而暫聽
既於佛法中演說智者必
當善了知應生清淨歡喜
心正法藏中傾諦信過去
毗婆尸佛等乃至最後釋
迦尊及諸菩薩護世前今
發最上大誓願彼須彌山
不可壞大海中水不可竭

日月舒光無有窮願王同
彼常住世王久住世有大
益發生歡喜正信心尊重
諸佛及法僧護持三寶令
不斷覺稱心生大希有我
王功德勝復深將何譬喻
與言詞而能比類及稱讚
帝釋天主雖尊勝然於正
法少精勤又復富樂愛心
纏不能如王修施行東勝

大 中 祥 符 法 寶 錄 卷 第 十 六

法寶錄第十六

第七張

下字号

身洲王統化嗜欲常生放
逸心十波羅蜜妙法門於
中不起進修行西牛貨洲
亦如是北俱盧洲具難緣
如上三洲過失增唯閻浮
提功德具如日雖有光明
照不能冬時使華開我王
功德寶光明常能普照勝
過日如月十五當盛滿即

有圓光能照明我王善法
利含生常能圓滿勝過月
如雲致雨功雖具安能非
時使雨施我王法雨澍無
窮常能普潤雲無比王居
宮室最尊勝世間無復與
王同若言勝者彼虛稱猶
如兔角定無實我王廣積
諸珍寶大富猶如多聞天
若說富中行施心天猶慳

大中祥符法寶錄卷第十六

法寶錄第十六

第八張

百字字

惜王能施合見王城大
土宮殿崇高舍宇嚴世間
華麗既無儔勝出天中妙
宮殿國中寺宇并塔像殿
堂樓閣與園林四通巷陌
及流渠處處清淨皆嚴飾
山石池沼嚴且淨種種珍
寶異復多觸處常聞歌樂
音說法以爲莊嚴事王能

隨欲滿諸願施如意實無
有窮寶山因爲墜世間多
聞天王猶生怖我王純一
悲愍意常行惠施無厭心
普需財寶悉均平施已不
生能施想隨諸衆生所樂
欲如應利樂住世間願王
壽命一劫中後當不久速
成佛無邊諸佛大功德十
波羅蜜大力門揔斯勝福

聚塵沙助王當來成佛果
臣子覺稱雖讚歎王德無
邊無有窮寧以一舌可稱
揚設經塵劫猶難盡假使
世間多人衆人各千面面
千舌舌舌咸共伸讚揚於
千分中應得一唯除十方
一切佛及諸菩薩衆聖賢
彼以聖智聖量心乃能稱
讚王功德所有法報化身

佛佛功德聚勝無邊而彼

法寶錄第十六

第九卷

白字

諸佛功德門我王普集常
具足覺稱今時無所欲不
求財寶及資緣一切皆忘
希取心但發至誠伸讚歎
然有一事深所樂欲得見
王最勝尊為王福德相莊
嚴蓮華月面誠難見王於
三界無與等聖日圓明智

慧光我今思欲對王前願
王聽許而容見王及大臣
皆智者多見多聞慧學人
其所稱讚語非文願賜矜
哀而恕罪十一月四日
上覽頌嘉歎召見覺稱
命坐慰諭久之賜以束帛
又江南義學沙門楚南作
新譯寶月童子問法經疏
二卷上進

上亦召見賜號光法大師

四年五月譯成論五卷

佛母般若波羅蜜多圓集要義
論一部一卷

大域龍菩薩造大乘論藏收

法寶錄第十六

第十張

百字

此中所明般若大旨離諸有
相由離相故住於真空二智
俱亡三輪本寂歸于中道契
彼實際入不二門證相應行

開明上士煥發真宗斯乃八
千頌之奧樞十六空之妙義
誠爲對法之鈐鍵矣

佛母般若波羅蜜多圓集要義
釋論一部四卷

三寶尊菩薩造大乘論藏收
考其義理即解釋大域龍菩
薩所造本論也第一卷釋般
若波羅蜜多中所有語義開
演三十二品無增無減爲遣

十種分別散亂又能顯示十
六空義如是次第皆以頌釋
第二卷釋徧計依他圓成三
性本性無故又說有爲無爲
二空及無餘依涅槃界中皆
悉清淨而清淨者即空性也
第三卷釋四種清淨一即自
性二即離垢三即所緣四即
平等復釋止門所有行相又

於般若中若起十種分別散
亂當以無分別智而爲對治
第四卷釋大聖世尊所說正
理自性清淨不可得故止於
十萬頌般若之義皆依此般
若三十二品摠略攝故此乃
深明觀智洞照色空拔萬行
之源究三性之本即般若正
真之要義也

上二部並中天竺梵本所出

右論三藏沙門施護譯法
護惟淨同譯沙門清沼澄
珠文一筆受沙門啓沖修
靜綴文沙門仁徹道一紹
溥重珣瓊玉文祕慧測證
義刑部侍郎叅知政事趙
安仁潤文入內侍高品
羅自賓監譯是月三日監
使引三藏等詣

崇政殿捧所譯論具表

大中祥符法寶錄卷第十六

法寶錄卷第十六

第十三張

百字號

上進其詞曰臣施護等言
臣等今譯就佛母般若波
羅蜜多圓集要義論一部

一卷釋論一部四卷約文
申義暢二十五卷之真筌
詢事考言釋八千餘頌之
般若般若者冠六度之首
居萬行之端虛而爲盈迴
出斷常之表照而常寂寞

超幻妄之先智不可求識
莫能究故茲論也洞明三
性迴斷十疑達彼妄源常
有皆歸于妙有窮其要道
斷空寧遠於真空真空不
空太虛邈矣妙有非有萬
象森然苟非上智之法才
莫盡大雄之慈旨開示未
悟軌範將來伏惟

崇文廣武儀天尊道寶應

大中祥符法寶錄卷第十六

章感聖明仁孝皇帝陛下
道契真乘

心同大覺

洪慈廣運敦載生載育之恩
衆善聿修臻無事無爲之
化臣等才非穎悟學昧博
通幸傳了義之文上祝

法寶錄第十六

卷一

百字

無彊之柞前件新譯論謹
繕寫

上進以

聞是日

命坐賜茶

親加撫慰錫賜如例
詔以其論入藏頒行

是年十一月譯成經五卷

祕密相經一部三卷

大乘經藏祕密部收析出別

譯上卷所明一時世尊住一

切如來三昧界中諸佛菩薩

皆悉住於毗盧遮那左月曼
拏羅中是時如來爲金剛手
菩薩要略宣說若修瑜伽行
者舌端想有阿字成妙月輪
上有吽字成金剛杵當誦大
明而作護淨願佛菩薩攝受
於已從今發起大菩提心至
坐道場堅固不退等中卷所
明毗盧遮那謂金剛手言一
切如來安住之智即金剛杵

本部賢聖和合相應是謂蓮

法寶錄第十六

第十四張

可字号

華彼金剛杵住蓮華上由是
出生一切如來從金剛語安
秘密字然後想成大妙高山
彼金剛杵廣略相應復成金
剛薩埵安住真實理中若情
非情合爲一相如是觀已依
法施作下卷所明大毗盧遮
那復謂金剛手言欲修三摩

地者先以金剛鉤索鏤鈴印
及大明鉤攝引入堅牢警覺
然後觀想種子文字又復普
謂諸如來言當知祕密四種
供養是謂蓮華蓮華上者即
金剛杵從是出生佛菩薩等
此則顯阿字吽字是爲理智
理即觀音菩薩智即金剛手
尊理以蓮華而爲表相智以
勝杵而顯示門理智混融華

杵相合依彼蓮華安金剛杵
蓮華清淨含淨性於深中勝
杵堅牢起妙用於覺際覺用
一體非捨用而別求深淨同
源非離深而能至起一切法

從是相應斯乃此經深旨也
尼拘陀梵志經一部二卷

小乘經藏收佛在王舍城迦
蘭陀竹林精舍說上卷所明

有一長者名曰和合白尼拘
陀梵志言汝等發諸言論皆
悉繫著世間之心有異世尊
遠離憤鬧心不散亂專注一
境隨應所行尼拘陀言我若
遇佛相與言論彼必墮負佛
知是已旋至其所時尼拘陀
即白佛言汝法律中云何令
修聲聞行者到安隱地止息
內心佛即令其於自教中隨

應發問梵志乃言云何修行
能得出離清淨潔白佛即說
彼法中四戒具足謂能修行
最上增勝不減諸欲乃至佛
言汝所修行非得出離及清
淨等下卷所明世尊復謂尼
拘陀言汝等修行起增上慢
皆不清淨煩惱隨增是染分
攝汝向所問沙門法中修聲

聞行者到安隱地止息內心
清淨梵行是爲真實當知聲
聞止息處者最爲高勝時梵
志衆咸悉稱讚世尊乃爲隨
應說法和合長者獲得善利

上二部並中天竺梵本所出

右經三藏沙門施護譯法
護惟淨同譯沙門清沼澄
珠文一筆受沙門啓沖修
靜綴文沙門道一紹溥重

珣瓊玉守晏慧測智臻簡
長證義刑部侍郎叅知政
事趙安仁潤文入內侍
殿頭羅自賓監譯是月二
十七日監使引三藏等詣
崇政殿捧所譯經具表
上進其詞曰臣施護等言
臣等今譯就祕密相經一
部三卷尼拘陀梵志經一
部二卷法身無相假相以

大 中 祥 符 法 寶 錄 卷 第 十 六

法寶錄第十六

第十七張

百字號

見威儀至理忘言籍言以
垂化導觀威儀而勝境可
趣遵化導而真際有歸繇

是金色炳於祇園玉謬流
於沙界秘密相者如來之
妙印尼拘陀者梵志之假
名大小乘分逐根莖而蒙
潤權實教異由顯密以隨
機允屬

休明誕揚奧妙伏惟

崇文廣武儀天尊道寶應

章感聖明仁孝皇帝陛下

運膺火德

道邁金輪燭彼六幽

舜日明齊於佛日

覆于羣物

堯天高際於釋天

總八聖以

端旒協千齡而

大中祥符法寶錄卷第十六

執契臣等謬膺

詔旨叨預翻宣幸偶

楨期上嚴景福補梵文於
海藏祝

睿筭於河沙前件新譯經

謹繕寫

上進以

法寶錄第十六

第八張

百字號

聞是日

命坐賜茶

親加撫慰錫賜如例
詔以其經入藏頒行

賜證義僧慧測號演教大
師簡長及施護弟子志淵
紫衣并度本院童行十有
一人爲僧是年六月

詔本院造金欄袈裟以賜
天竺沙門覺稱齋還本國
金剛座被於聖像覺稱復

獻頌爲

謝中使羅自賓傳

詔旨令譯其文以進詞曰
稽首大力摧伏衆魔我大
仁王王中最勝最上自在
最上尊貴最上佛子今略
稱讚法海充盈悲心亦等
願王壽命千俱胝劫頌曰
臣子今發正真語願王略
聽伸讚歎不以希求故妄
言但啓志誠而歌詠若不

依教如實說豈表堅固勤

法寶錄第廿六

第十九張

百字号

勇心佛法僧寶作證明今
所稱揚爲利樂釋迦如來
賢劫中於瞻部洲而設化
宜說教典正法門以如實
義善施作佛本無生亦無
滅性等虛空無去來然由
方便利衆生龍彌尼因現
生相隨順世間處胎藏淨

大 中 祥 符 法 寶 錄 卷 第 十 六

飯大王爲父尊表從愛深
種子生亦復示現受諸樂
然念末世衆生類無智多
造不善因故開權巧利生
門從報身起化身相警覺
瞻察世間法東門先見衰
老人南門西門二苦觀北
門方見出家者如是觀見
諸相已宿願力故發精勤
不樂王宮富樂纏但念出

家行利益乃乘寶馬踰城
出往泥連河大塔邊誓願
出家證菩提爲人中尊宜
正法若不堅修菩提行如
來十力未能圓期修苦行

十二年六年修滿成真果
我王仁王王中勝求菩提
果亦復然常行悲念救衆
生雖處煩惱而無染東西

大 中 祥 符 法 寶 錄 卷 十 六

南北諸方處一切人民王
所化隨需利樂普施安後
當引導皆成佛我王湛然
居聖位無事無爲無極尊
但思善法濟含生普使拔
除諸沈溺我王神通威力
具行住坐卧快樂中四魔
四苦悉不侵菩提不求自
當得我王如日千光明一
切暗冥皆洞照王猶如意

大寶珠隨諸貧者能施寶
又如醫王能救病復如導
師善開引八萬四千法蘊
中王如法王能施法聖德
巍巍無所動其猶不動尊
如來亦如慈氏菩薩尊現
爲天人宣正法又如般若
波羅蜜出生一切佛菩薩
天中王知自在天法中王

大中祥符法寶錄卷第十六

如大乘法仙中王如大梵
仙教中復如善正教持明
天中如欲天於諸曜中如
日曜宿中王如布沙宿宮
中猶如師子宮相應中如
相應人能成一切殊勝果
日中猶如十五日山中其
猶妙高山洲中同彼瞻部
洲海中正類於乳海時中
可等於春時華中同彼波

利華寶中如其妙寶珠隨
諸色相皆映現何故如上
多比類但緣聖德廣無邊
言詞難以具稱揚唯發孝
心而讚詠譬如經說無憂
王持一掬土奉世尊施小
心真果利多臣今讚歎亦
如是王如甚深大寶海廣
積一切妙珍財小臣猶彼
求寶人乘御經書如舟楫

大 中 祥 符 法 寶 錄 卷 第 十 六

法寶錄第十六

第二十二張

百字號

以宿緣力爲先棹來求功
德大法財今得見王賜法
衣已獲大利還鄉國我王
大恩大慈惠賜袈裟衣被
佛身其衣製作遵法儀重
三寶故淨心施佛教中爲
大供養自利利他悉清淨
願此布施果無虛一切衆
生離貧苦

上覽之留於禁中是秋七

月覺稱還天竺

上遣中使撫慰仍

賜裝錢二萬并茶藥等

大中祥符法寶錄卷第十六

大中祥符法寶錄卷第十七

百

謹將前文推誠修實錄卷之十七及行書長篇即奉宣部開卷三書及實錄卷十七

續高麗國圖卷之三書及實錄卷十七

勅編修

別明 聖代翻宣錄中之十六

聖賢集傳翻譯著撰三之一

西方聖賢集傳一

東土聖賢著撰二

西方聖賢集傳一

六道伽陀經一部一卷

此中所明六趣果報因緣等
事當得生於六欲諸天教被
人天文義昭著

讚法界頌一部一卷

龍樹菩薩造此中所明讚一
法界顯三種身智起用施理
歸事寂動靜同致性相一源
譬彼萬流咸歸于海攝塵沙
之妙德入湛寂之常門法界
疑然頌文斯顯

右二集準

詔入藏頒行其翻譯筆受
證義潤文等並見雍熙元

法寶錄第十七

第一

年九月

菩提行經一部四卷

龍樹菩薩集第一卷明讚菩
提心勝過一切世出世間凡
所作善迴向真如滅除罪垢
救度有情又復以菩提心供

養如來及諸法寶普賢文殊
諸大菩薩妙香華果園林浴
池寶樹寶衣運心普施又明
持戒先要護心若得心安諸
非自止即明施戒之次第也
第二卷明施戒爲首忍辱乃
圓於諸衆生等心觀察於憎
嫌境生歡喜心乃至情與非
情不起瞋恚寒熱蚊蚋不饒
益事爲求菩提悉能忍受又

大 中 祥 符 法 寶 錄 卷 第 十 七

法寶錄第十七

第三張

百字号

明忍辱居先精進然起念輪
迴苦惱思佛果清涼故行忍
進之二度也第三卷明因前
精進增長禪那離憊重鄣止
散亂緣修奢摩佗除煩惱熱
漸次功成方圓極果第四卷
明因止禪那發生般若揀擇
爲性斷染成功出生死源達
真常理此則修六度行爲萬

善因迴向有情同獲利樂共
證菩提之妙果也

法集要頌經一部四卷

法救尊者集摠有三十三品
第一卷明顯一切行皆悉無
常是興衰法有生即滅勸以
厭離應修止觀魔不得便乃
到彼岸以彼思想爲欲根源
思旣不生欲何由起因欲生
過復生怖畏廣以喻明智者

應了了即善調乃能解脫又
貪愛潤澤思想滋蔓以慧正
觀貪縛自壞戒法清涼爲甘
露道若生放逸即趣死逕有
智之者守其勝道愚癡之人
失道喪真放逸不生死輪自
息又愛處生憂愛處生怖若
離愛念憂怖不生又復持戒
得三種福若修善行三業清
淨止其妄言及非法語造諸

惡行定招苦報如影隨形必

當自受又信爲法要能生諸
善其信清淨能出有河又離
欲斷漏梵行清淨息心滅意
垢穢盡除第二卷明顯四聖
諦是爲正道見聖諦者得入
正道又人若貪利是則無利
不著一切是真佛子又能忍
佗冤說名爲智若行忍者諸

寃自息又起止覺思坐臥不
忘能照世間如月出雲又念
自覺悟當求方便修白淨行
度愛清淨又勿輕小罪以爲
無殃勿輕小善以爲無福水
滴雖微漸盈大器善惡漸增
纖毫成廣又如可意華色好
無香巧言亦尔終無果利如
可意華色好香絜類諸善言
必獲好報行忍和意能斷諸

苦從是得定如馬善調瞋所
纏縛如暗失燈於言寂默無
恚無害又無等正覺不染世
法具一切智神通圓滿多聞
善脩正自正佗已心爲師非

佗師友第三卷明雖說百偈
句義不正不如解了一句之
義乃得解脫乃至廣說種種
事相比較百年不如一日親

近善法爲善知識又茲攝攝
意無說無害常行忍辱是最
圓寂諸梵行人常當自觀解
苦根源是明妙觀諸惡莫作
諸善奉行不畏死運如船截
渡又日光布明悉照冥暗諸
行相應脫一切苦第四卷明
愛法安隱心法清淨聖所說
法智者娛樂心爲法本心是
妙門護而不漏入圓寂道又

必芻愛盡護身念道思惟靜
安正命無雜今行淨因後招
淨果無習惡法是爲梵志此
之大旨法救尊者廣集如來
諸經要義族類區分列三十
三之品目指歸辯析攝百千
萬之行門取要而言斷染成
淨息除苦本出離愛源起智
慧因證解脫果也

勝軍化世百喻伽陀經一部一卷
此中所明舉以百喻成百伽
陀取諸近事彰其意焉若行
恩義是有賢德若無我慢即
無怯弱乃可師重是出離行
乃至設喻譬彼天邊月圓須
缺又類山下華芳即凋人世
無常何異於此餘諸頌句喻
說皆然勸諸智人警悟故也

詔入藏竝見雍熙二年十月

法集名數經一部一卷

此集三乘及三根本十波羅蜜十八空等乃至世出世間地獄天宮此等法數但列其名不釋義也其準

詔入藏見雍熙三年二月

賢聖集伽陀一百頌一部一卷

此明集人首以偈頌讚歎三

寶次乃依經集諸要義謂讚

法寶錄第十七

第七

歎供養造像設食布施等事
所感報應果利有差然以所
修要求出離得佛菩提方爲

圓證其準

詔入藏見雍熙四年十月

七佛讚唄伽陀一部一卷

但以梵言稱讚七佛然於讚
中自成伽陀不翻文義攝多
義故也其準

詔入藏見端拱元年十月

捷稚梵讚一部一卷

捷稚者天竺語也此方鐘鼓之類即習古及含多義不譯乃警衆集僧之器也以梵言讚之故曰捷稚讚矣其準

詔入藏見端拱二年十月

佛一百八名讚一部一卷

此中所明首標六頌歸命之

詞長行文中廣陳讚歎雖如

大吉祥符法寶錄卷第十七

來聖德本絕稱量然彊名立
言文含衆義摠攝塵沙之德
咸歸百八之名詞旨淵沖曰
讚唄

文殊師利一百八名梵讚一部一卷
此中稱讚妙吉祥菩薩具勝
功德作勝事業妙吉祥心即

法寶錄第十七

第八張

百字號

諸佛性非可思議非不思議
不思議中生一切法乃至廣

說無邊妙用等

聖觀自在菩薩梵讚一部一卷
此中所明以彼菩薩功德無
邊不可思議義攝多門故所
不譯彼菩薩者悲願力增勝
用自在普救一切衆生苦惱
具諸相好福智莊嚴者也

右三集準

詔入藏並見淳化元年十月
一切如來說佛頂輪王一百八

名讚一部一卷

此中讚佛爲最上師作世間
主有大慈悲具大名稱號大
自在佛頂輪王等視衆生具
無邊智然以佛有河沙勝德
不可稱量要略而言摠攝一
百八名者矣

聖多羅菩薩梵讚一部一卷

此中所明稱讚聖多羅菩薩
具勝功德行願無邊神通廣

大住持明藏曼拏羅中處東

北隅羯磨部攝祕密智用三
昧出生神力無方祕門深入
得無相之悉地證無字之摠
持者也

右二集準

詔入藏並見淳化二年七月

菩提心觀釋一部一卷

此中所明釋菩提義論菩提

心說二智門顯三空理出生
諸法性本無生觀照諸塵照
而常寂詞旨淵邈詎可稱量
者哉其準

詔入藏見淳化五年正月

聖金剛手菩薩一百八名梵讚
一部一卷

以百八名爲二十會顯金剛
手功德勝能摠於五部爲祕
密主以是梵言讚彼功德令

諸衆生讚誦獲福其準

詔入藏見至道元年十月

八大靈塔名號經并二讚合一卷

八大靈塔名號經

此明八塔名號次第第一迦

毗羅城是佛生處乃至第八
娑羅林中入涅槃處是等八
處皆有靈塔若起淨信歸依
供養者命終之後得生天界

八 大 靈 塔 梵 讚

戒曰王製以彼梵言讚歎如
來八大靈塔使歸信者功德
無量

二 身 梵 讚

以妙梵言讚法報化三身如
來體徧用寬德備法廣法身
無相報化有形利益聖凡令
知修斷畢竟趣證無上菩提
其準

詔入藏見至道二年九月

佛三身讚并吉祥伽陀合一卷

佛三身讚

讚法報化三身功德迴向羣
生願證菩提同歸正道者也
曼殊室利菩薩吉祥伽陀

此以梵言結成頌句稱讚曼
殊室利菩薩吉祥勝德其準
詔入藏見至道三年七月

聖觀自在菩薩功德讚一部一卷
此中稱讚觀自在菩薩相好
圓滿威德熾盛能以無畏施
諸有情具足衆妙功德善法
頂戴諸佛大智寶冠運大悲
願拔濟衆苦若依此頌伸讚
詠者獲大利樂矣其準

詔入藏見咸平四年十一月

佛吉祥德讚一部三卷

寂友尊者造上卷所讚如來

應迹出現諸身以普徧眼觀
諸有情生於王宮居最上族
天人修羅咸所供養具足無
邊勝妙功德於三界中最勝
最尊中卷所讚如來具足三
十二相足下平滿現千輻輪
如是相好一一殊特諸漏已
盡覺了無餘善說平等第一
義諦能使衆生了知一性下
卷所讚如來具足二利功德

大涅槃受最上樂其準

詔入藏見大中祥符元年十

一月

龍樹菩薩廣大發願文一部一卷

龍樹菩薩造此中所明發大

願時具陳七法謂禮佛讚歎

懺悔迴向隨喜供養發願於
前六法各各發願十方微塵
一一佛刹正覺世尊悉皆歸
命禮讚所獲功德普伸迴向
塵刹有情乃發心起行之軌
儀也其準

詔入藏見大中祥符三年十
一月

大中祥符法寶錄卷第一

百

勅編修

別明 聖代翻宣錄中之十七

聖賢集傳翻譯著撰三之二

東土聖賢著撰二之一

夫出世之法無說之說也闡教之文因言遺言也故一音立海潮之喻隨類而得聞萬竅有天籟之名殊聲而

皆是雖復華竺遼夏聖賢差別至於
發揮神妙覺悟昏蒙闢甘露之通門
艤愛河之長楫導迷拯物其揆一也自
金容應見寶偈翻傳像教勃興龍宮
開奧時更累代數餘千祀御歷文思
之主有位清信之臣法苑五教之師
隱居四依之士識與理會言成法施
斯皆受能仁之付囑遵外護之闡揚
我太宗皇帝則大旻天奄宅智地協
和萬■勤勞二紀殊方慕化絕域歸

仁當是時也聲教所通梵僧屢集於
是開譯館崇度門雲披雨寶之文王
積貫花之偈而

法寶錄卷十八

第三

百字

萬乘樂真風之載郁迂

寶思以析微遂有聖教序又著心輪
偈秘藏詮逍遙詠等歌詩凡五十七
卷既置於寶藏亦秘在名山式救群
迷大明正覺

今皇帝多才善繼至孝丕承對越

二儀報功而讓德照臨萬寓邇肅而
遠安當重熙累盛之辰洽

執契尚文之化

踐祚之始即以緇徒懇請

著繼作聖教序至於

青宮問安之暇

紫宸聽政之餘因

法樂以形言屬

善誘而垂製煥乎細袂妙貫典墳粵

大中祥符五年西天譯經三藏朝奉

大夫試光祿卿傳法大師賜紫臣施
護等上言請以新譯經續開元貞元
舊經爲之藏錄乃

詔臣安仁臣億及僧臣惟淨等以新
經部帙類爲編次遂得恭考前志列
表上聞以

太宗皇帝聖製有恢闡教乘散在別

集者亦乞詮擇以付有司

上濬發清衷即降

明詔乃錄

太宗皇帝御製妙覺集五卷頒下焉而
皇上聖文尚形謙德又連表再上始降
御製法音前集七卷俾同編纂自餘
名臣開士所述起貞元之後迄於

聖朝或討尋經論之微言或紀錄龍
象之大行或吟詠法性或演暢宗風
今竝採當世之高奇因前錄之次序附
二聖之作以爲東土聖賢集亦猶軻
雄談道俱爲闕里之徒公穀授經竝

列春秋之學期永傳於後代庶有補
於將來云爾

太宗皇帝御製六十二卷

蓮華心輪迴文偈頌一十一卷

祕藏詮二十卷

祕藏詮佛賦歌行共一卷

祕藏詮幽隱律詩四卷

祕藏詮懷感詩四卷

祕藏詮懷感迴文詩一卷

逍遙詠一十一卷

緣識五卷

法寶錄第上

第出張

百字号

蓮華心輪迴文偈頌一十一卷

右此頌文因起一章終成千
首原乎心字冠在諸篇起例
迴文成二百首心字拘就觀
字交平羅文爲八百首復通
心字計成千首以太平興國
八年成是年三月

上遣中使衛紹欽諭

百僧錄司選京城義學文章
僧行清惠溫繼琳可朝可芝
可贍可大可昇道真德遵寘
顯智密歸一法超懷信宣正
智遜知則全著從志等二十
人爲之注解內供奉官臣藍
敏貞監視之著作佐郎臣呂
文仲詳覆書成

上進召行清等對於
便殿撫諭之三人賜紫衣七

人加師號各

賜襲衣束帛

詔以其文編聯入藏

祕藏詮二十卷

第一至第二十卷共五言一千首

法寶錄第十八

第五張

白三

祕藏詮佛賦歌行共一卷

右詮賦等端拱元年十二月

上遣中使衛紹欽諭

旨僧錄司選京城義學文士

僧惠溫繼琳守齋歸一知則
玄偶道文智輪行勤若虛德
清自圓義圓契寧顯丕可昕
澄淨道崇全海智英重皓從
顯子芳義密智圓慶環文證
懷古行清可朝可昇德遵光
仁繼隆永光守能啓玄重遷
啓明海月澄裕紹宣玄寶智
宣守邦崇智澄照恕雍懷哲
道滿處圓遇恩省才常靜守

晏楚南等五十六人同爲注

解書成

上進各

賜襲衣器幣

詔以其文編聯入藏

祕藏詮幽隱律詩四卷

五言四韻一百首

祕藏詮懷感詩四卷

五七言各一百韻

秘藏詮懷感迴文詩一卷

五七言各一首並二十韻

逍遙詠一十一卷

五七言詩各一百首

右詩什端拱二年十一月

上遣中使衛紹欽諭

百僧錄司選京城義學文章

僧可昇歸一守邦澄裕德清

行勤永光崇智可芝道滿可

听懷古等一十二人同爲注

釋書成

上進

賜東帛器幣緡錢

詔以其文編聯入藏

緣識五卷

第一卷五言頌四韻五十首

第二卷七言頌四韻五十首

第三卷雜言七言頌二韻相間

五十八首

第四卷五七言頌二韻各五十首

第五卷五七言頌二韻長韻相

間六十二首

右頌至道元年三月中

法寶錄第十八

第 七 張

百 字 号

詔下印經院開板模印編聯
入藏

妙覺集五卷

第一卷

歌行一十一首

第二卷

古調詩

四言一十首

三言一首

七言一首

一言至十言一首

第三卷

五言詩一十九首

第四卷

七言詩一十六首

第五卷

序二首

右集譯經潤文尚書兵部
侍郎脩國史臣趙安仁
翰林學士尚書戶部郎中
知制誥臣楊億請編入藏
上表曰臣等準

詔編修

法寶錄第十八

第八張

百字另

聖朝釋教藏錄先上言乞降
太宗皇帝御製別集釋門

文字編修入藏奉

勅依奏者伏奏

凝旒亟承於

俞旨垂榮法藏異獲於

真文祈

乃聖之式從跼

蓋高而若慄臣安仁等誠

虔誠懇頓首頓首伏惟

崇文廣武儀天尊道寶應

章感聖明仁孝皇帝陛下

紹隆

大寶抵通

詒謀

累仁茂著於

丕功

肖德誕膺於

永命續

禹舊服九疇式敘於彝倫

與黃比崇萬葉允鍾於期

運猗

文皇之濬哲洞

法寶錄第十八

第九張

百字号

慈氏之眞詮惟

帝其難邁

伊唐之廣運

自天攸縱兼魯聖之多能
演成貝葉之文冥契金人
之夢

發揮住諦宏闡於淨因

拯拔迷塗同生於樂國

宣揚載郁之作

演暢大乘之編揭

慧日以照臨振

妙音而聳動臣等學疎聖

域識昧度門猥諧祗

命於

紫庭獲錄談空之寶偈伏念

先朝物覩

堯言盡在於簡編永代化
成釋典同符於教導遂罄

愚衷而懇請爰承

優詔以下臨伏望

俯徇惓誠特申

大賜資勝緣於佛國開妙
闡於人天啓迪上乘表

法王之外護發明多寶昭
淨土之肇開輕干

旒宸之尊但切冰淵之懼

謹奉表陳

請以

聞譯經僧臣惟淨等上表

曰臣等奉

勅編修

聖朝釋教藏錄伏覩

太宗皇帝聖製釋門文字

除已

頒賜入藏編錄外所有別

集文字未曾

降本入藏者

神宗著訓

象法增輝雖已

冠於真筌未盡

頒於祕藏敢陳衆懇再洗
宸聰臣惟淨等誠虔懇
頓首頓首恭以

先皇夙膺

佛記慈悲在念四生咸入於
度門饒益爲心六合盡躋於

壽域由是

凝神性海

觀妙禪源將

外護於真如務宏宣於鴻
教奮章天之麗藻五竺增
華著唯心之格言九居蒙祐
丕美流於塵刹

大賚浹于人天伏惟

崇文廣武儀天尊道寶應
章感聖明仁孝皇帝陛下

惠迪先謨欽明正法降

軒臺之祕典冠梵刹之妙

門永隆圓頓之宗式廣

孝熙之德矧惟

別集尚闕

中宸猶虧

寶月之輝未滿金園之望

願載

願於

宗範用備列於

真乘覺悟重昏

與曇華而並耀布宣億劫
兼貝葉以同芳永濟含生

法寶錄第十八

第十三張

百字

共登凝覺臣等幸叨編錄
竊聲明誠仰漬

清衷不勝至願所有

太宗皇帝釋門別集文字

伏乞

降賜編入藏錄謹奉表陳

請以

聞遂

詔曰恭以

太宗皇帝撫寧萬宇寵庇

群元致

周道之和平發

堯文之魏煥矧乃游心釋

部觀妙真宗

演暢一音

鋪茶至理

得靈山之密印

冠汾水之英辭朕仰奉

威神思流金石爰稽類次

以就編聯俾傳示於無窮

用永彰於

鴻美

太宗皇帝妙覺集一部五

法寶錄卷第十八

第三張

百字號

卷宜令編入大藏翌日臣
安仁奉表謝曰伏觀

勅命

太宗皇帝御製妙覺集二
部五卷令編入大藏者伏以
先朝述作普暢於

真乘

睿旨欽崇言歸於

祕藏洪惟

善利允屬

貞期臣安仁誠虔誠并頓

首頓首恭以

太宗皇帝運啓無疆
功成不宰

聖謨作訓旣

洞貫於九流

文思所覃復

鉤深於十地固以

發揮空性

拯拔塵勞

道濟人天

慈均雲露恭惟

崇文廣武義天尊道寶應

章感聖明仁孝皇帝陛下

紹隆景業

康濟含生

大道之行方洽登三之治

孝思惟則載恢不二之風以

妙覺之微言定

神宗之聖作緘諸綠蘊飾

以銀題臣頌奉

叨恩獲編

法寶願頒秘帙以耀祇園
果自

帝俞聿脩

先志足使增輝寶藏垂蔭
鶴林融慧日於無垠共法
輪而常轉臣迹叨顯仕性
昧空宗俾聯

金口之書蓋蒙

導誘更捧

龍宮之帙益慶

遭逢蹈詠歡呼倍萬常品

謹奉表稱

謝以

聞僧日惟淨等奉表謝云

法寶錄卷八

第十五張

百字号

伏觀

勅命

太宗皇帝御製妙覺集一

部五卷令編入大藏者伏以

發揮大覺惟

聖文垂世以作程恢闡微
言惟

善繼自天而

申錫俾永緘於海藏用

丕顯於空宗道俗銜

恩人天稱慶臣惟淨等誠

感誠慶頓首頓首恭以

太宗皇帝親聞

記蒞妙達真常敦

善誘於化城暢淳風於壽域
聖謨至大恢淨土以臨人
睿思惟幾闢度門而拯俗
聲流無外

化治有生廣十二部之津梁
開大千界之耳目允協

能仁而付屬當同

法寶以嚴持伏惟

崇文廣武儀天尊道寶應

章感聖明仁孝皇帝陛下
敦敏本於

仙源慈儉出於

天性域中大業既極於
恢崇象外高風更懷於

欽述永言

先志彌感

孝思矧

諸佛甘露之門方崇演暢
而惟

帝鈞天之作宜廣

宣行既諧八部之

護持永俾萬靈之

瞻奉臣等獲后象譯幸被

鴻私惟知物覩以爲榮共戴

天恩之溥濟踊■讚歎倍

萬常情謹奉表稱

謝以

聞翌日

賜安仁

恭詔曰省所上表伏觀

勅命

太宗皇帝御製妙覺集一

法寶錄第十八

第十七張

五字云

部五卷令編入大藏稱謝

事具悉朕永惟

聖考嘗述

真詮廣陳微妙之言深顯

色空之理既分編帙期布

人天是用祕以寶函奉之

花藏非獨成

先朝之雅意抑亦慰涼德
之孝思卿披貝葉之文方
發揮而率職覩芝泥之詔
爰敘謝以拜章言念恪恭
但增嘉尚所謝知故茲詔
示想宜知悉臣安仁奉表
謝云伏蒙

聖慈以臣上表謝降

太宗妙覺集編入大藏特賜

大 中 祥 符 法 寶 錄 卷 第 十 八

勅書獎諭者

先聖微言既藏

金地

大君嘉詔復降

慶霄仰銜

臨照之私倍激兢榮之懇

臣安仁誠感誠懼頓首頓

法寶錄第十八

第十八張

頁

首恭惟

崇文廣武儀天尊道寶應

章感聖明仁孝皇帝陛下

仁天覆物

聖日燭幽

勵翼翼之心起英於三代

茂蒸蒸之德應感於

二儀以

神宗之乃文闡

大覺之垂教爰頌

鳳詔式秘

龍宮參九部之上乘闢四

生之正路臣以叨膺

任遇獲預編聯方瞻

法寶之書載沐

慈雲之潤旣榮物覩合敘

臣誠豈謂

天造曲成

帝文寵被芝函照爛香隨

玉宇之風鳳篆溫穠瑞泥

金莖之露抃戴而崇山不

重寶藏而

華袞相輝更堅勤瘁之誠

法寶錄第十八

第十九張

百字号

少荅

文明之賜謹奉表稱

謝以

聞

大中祥符法寶錄卷第十八

大中祥符法寶錄卷第二十

百

別明

聖代翻宣錄中之十八

聖賢集傳翻譯著撰三之三

東土聖賢著撰二之三

箋注

御製聖教序一部三卷

右天台僧清遠注以大中祥符

六年詔

關上之

召見賜紫衣束帛其年七月

詔編聯入藏

大宋高僧傳一部三十卷

第一卷至第三卷譯經篇第一

自唐京兆大薦福寺三藏沙

門義淨至唐西域三藏沙門

滿月正傳三十二人附見一

十二人內三十一人天竺沙

門一十三人此土沙門

皇朝太宗皇帝嗣位之五載
天竺三藏沙門天息災法天
施護至京師時新舊梵經頗
多繇是再議翻譯矣

第四卷至第七卷義解篇第二

自唐京兆大慈恩寺釋窺基至

皇朝天台山螺溪道場釋義

寂正傳七十二人附見二十

五人本傳論曰佛之說經申

經者論經由論顯論待疏通
疏總義章義由師述故曰義解
第八卷至第十三卷習禪篇第三

自唐蘄州東山釋忍

上字與
今御名同

至

皇朝天台山釋德韶正傳一
百五人附見二十九人本傳
云梵語禪那華言念修以其
觸情念而無念終日修而無
修又云正定正受也止則廓
然冥而定矣故曰習禪

大 中 祥 符 法 寶 錄 卷 第 十 二

第十四卷至第十六卷明律篇第四
自唐京兆西明寺釋道宣至
周東京相國寺釋澄楚正傳
五十八人附見一十人明辯
律儀故曰明律即沙門二百
五十戒等本傳論曰禁律乃
度世之檢括也

法寶錄第二十

第三張

百字号

第十七卷護法篇第五

自唐京師大莊嚴寺釋威秀

至周洛京福先寺釋道丕正
傳一十八人附見一人內一
人天竺沙門一十八人此土
沙門斯皆內堅其志外亡其
身守正理以闡幽關立真宗
而流大教故曰護法

第十八卷至第二十二卷感通篇第六

自後魏西涼府釋檀特師至
皇朝魏府成安縣郊齋院釋
法圓正傳九十人附見二十

三人夫感通者行之至爲感
物之應爲通此能感彼故曰
感通

第二十二卷遺身篇第七

自唐汾州釋僧藏至

皇朝泗州臨淮縣普照王寺
釋懷德正傳二十二人附見
二人捐茲命質拯彼塵勞示
現遺身表其勵志者也

第二十四卷第二十五卷讀誦篇第八

自隋沙門釋行堅至

法寶錄第二

第四水

百字号

皇朝東京開寶寺釋守真正
傳四十二人附見八人臨文
曰讀背文稱誦準教乘而持
習滋義解以開通依解增修
由修得證也

第二十六卷至二十八卷興福篇第九

自周京師七寶臺寺釋法成至

皇朝東京開寶寺釋師律正

傳五十人附見六人利有所成
福門通攝隨諸善作悉豎福
源凡厥通人應茲篇類

第二十九卷第三十卷雜科聲德篇第十
自南宋錢塘靈隱寺釋智一至
皇朝宜陽柏閣山釋宗淵正
傳四十五人附見一十二人
內一人天竺沙門三學之餘
隨兼衆學或詠歌讚唄或利
益恢張義有所從故立篇目

右傳京天壽寺僧贊寧大
相國寺僧智輪準
詔撰集勒成三十卷端拱初
上之

召見錫賜優異

法寶錄第二

第五張

百字号

詔編入藏

僧史略一部三卷

五十九門例

上卷二十三門

中卷一十七門

下卷一十九門

右三卷右街僧錄通慧大師賜紫贊寧撰贊寧以太平興國初至京師

詔於天壽寺安置披覽多暇樹立門題搜求事類始乎佛生教法流衍至于三寶住持諸務事始括成三卷號僧史略大中祥符四年

詔許編入藏

景德傳燈錄一部三十卷

目錄三卷

第一卷第二卷

已上二卷述毗婆尸佛至釋
迦牟尼佛爲七佛聖師釋迦
牟尼將入涅槃始以法眼付
囑摩訶迦葉故迦葉爲天竺
第一祖如是次第傳法至第
二十七祖般若多羅又第三

祖商那和修旁出末田底迦
一人第二十四祖師子尊者
旁出達磨達等二十二人合
前是爲五十祖師

第三卷第四卷

已上二卷述第二十八祖菩
提達磨遠從天竺觀機授道
至于此方得慧可大師乃傳
心印故達磨爲此土第一祖
焉次第傳法至第五祖弘忍

大師由達磨至忍其間旁出
尊宿二百一十六人一十七
人不出世不錄一百九十九
人見錄

第五卷

已上一卷述第六祖慧能大
師法嗣弟子四十三人內一
十人旁出二十四人不出世
一十九人見錄

第六卷至第十三卷

大 中 祥 符 法 寶 錄 卷 第 二 十 二

已上八卷述第六祖弟子南
嶽懷讓禪師九世相承及漕
溪別出二世其間次第法嗣

法寶錄第二

第十卷

百字號

五百一十三人二百七十八
人不出世一百三十五人見錄

第十四卷至第二十卷

已上七卷述第六祖弟子吉

州清源山行思禪師一世至

六世相承三百七十九人一

百一十六人不出世二百六
十三人見錄

第二十一卷至第二十六卷

已上六卷述行思禪師七世
至十一世相承五百四十六
人一百三十二人不出世四
百一十四人見錄

第二十七卷至第三十卷

已上四卷編次禪門散聖及
諸方廣語歌詩讚頌或舉事

大 中 祥 符 法 寶 錄 卷 第 二 十

照理或接物隨機啓迪初心
流傳來裔乃禪悅之香飯法
樂之正性也故以其文集而
錄之

右此錄者諸祖分燈隨方
化導傳法徒侶記諸善言
也談無遺有煥乎方便之

法寶錄第二十

第八張

百字

奧樞即色明空寂爾靈源
之妙指紀斯法印以示禪

流景德中有東吳僧道原

采摭成編詒

闕獻上乃

詔翰林學士左司諫知

制誥楊億兵部員外郎知

制誥李維太常丞王曙同

加刊定勒成三十卷大中

祥符四年

詔編入藏

大宋大中祥符法寶錄二十一卷

大中祥符法寶錄卷第十二

并摠錄一卷

右起大中祥符四年十一月
終八年 月準
詔編修

大中祥符法寶錄卷第二十